

外科精要序

外科蓋指瘡瘍門言也上古無
外科專名實昉於季世後人遂
因而分內外爲二科茲外科迺
宋陳良甫先生所著雖以瘍科
名其書而其治法固多合外內
之道如作渴泄瀉灸法等論誠

有以發內經之微旨殆亘古今
所未嘗道及者可傳之萬世而
無弊也第其他所設方藥亦不
無宜於昔而不宜於今者非先
生之術有未精要也良由今人
所稟遠不逮昔雖使先生至今
存亦不得不因時而損益之矣

余於時自忘淺鄙漫倣元本之
所旣備而未悉者斷以愚意而
折衷之仍其舊名釐爲四卷其
補錄一卷則出余管見同志者
幸勿咎其僭而進其所未至焉
嘉靖丁未春月吉旦奉政大夫
太醫院院使致仕吳郡薛已

謹序

夕禾芳豆片

外科精要目錄

卷之上

論癰疽灸法用藥第一

論癰疽當用疎利第二

論癰疽始發宜灸第三

癰疽騎竹馬取穴灸法第四

論癰疽隔蒜灸得効法第五

癰疽腫漫尋頭灸法第六

蒜餅施用分輕重論第七

癰疽灸法論第八

癰疽灼艾法痒痛論第九

腦疽灸法第十

癰疽既灸服藥護臟腑論第十一

馬益卿先生癰疽論第十二

三因方癰疽叙論第十三

素問良用備要論第十四

千金良用備要論第十五

癰疽別脉辨證論第十六

癰疽脉症第十七

癰疽用藥大綱第十八

論癰疽嘔逆症第十九

論癰疽之源第二十

華佗論癰疽第二十一

論背疽其源有五第二十二

卷之中

癰疽發背分表裏第二十三

察癰疽發內外之別第二十四

癰疽發背陰陽淺深緩急第二十五

論善惡形症第二十六

論癰疽死生形症第二十七

形症逆順論第二十八

發背治貴在早論第二十九

瘡出未辨用墨圍論第三十

驗色灼艾論第三十一

論瘡口虛寒難合第三十二

用藥須防秘泄論第三十三

白痴調護論第三十四

體察愛護論第三十五

用香藥調治論第三十六

飲食居處戒忌第三十七

論醫更易良方第三十八

卷之下

論癰疽用麥飯石膏第三十九

論癰疽神異膏功用第四十

癰疽口緊小硬論第四十一

論癰疽變症咽舌生瘡第四十二

癰疽膿成用替針藥第四十三

論癰疽傷割第四十四

論癰疽寒熱用藥第四十五

癰疽食毒物發熱第四十六

癰疽作渴宜補精論第四十七

論癰疽向安發渴第四十八

論癰疽口乾作渴不同第四十九

論癰疽發熱屬腎虛第五十

癰疽將安當補氣血論第五十一

論癰疽服藥捷徑第五十二

癰疽節飲食調胃氣論第五十三

癰疽成漏脉例第五十四

癰疽用騏針法

癰疽點烙治法

癰疽癰經効雜方

甲疽代指嵌甲方

婦人妬乳雜瘡方

金瘡箭鏃傷竹木刺湯火方

續補附錄

瘡瘍彙括開鍵處治之

外科精要卷上

臨江陳自明良甫編

吳郡後學薛已校註

療發背癰疽灸法用藥第一

經云諸痛痒瘡瘍皆屬心火前輩又謂癰疽多生於丹石房勞之人凡人年四十已上患發背等瘡宜安心早治此症如虎入室禦而不善必至傷人宜先用內托散次用五香連翹湯更以騎竹馬法或隔蒜灸并明灸足三里以發泄其毒蓋邪之所湊其氣必虛留而不去其病乃實

故癰疽未潰臟腑畜毒一毫熱藥斷不可用癰
疽已潰臟腑既虧一毫冷藥亦不可用猶宜忌
用敷貼之藥閉其毫孔若熱渴便秘脉沉實洪
數宜用大黃等藥以泄其毒後國老膏萬金散
黃礬丸遠志酒之類選而用之

愚按前症若熱毒蘊於內大便秘結元氣無
虧者宜用大黃等藥泄其熱毒若陰虛陽湊
精虛氣節脾胃虛弱者宜用甘溫之劑培其
本源若瘡不斂腫不作膿者雖未潰仍須溫
補若瘡已潰而腫不退痛不止者仍宜清涼

之劑治之若病急而元氣實者先治其標病
緩而元氣虛者先治其本或病急而元氣更
虛者必先治本而兼以治標大抵腫高焮痛
膿水稠粘者元氣未損也治之則易漫腫微
痛膿水清稀者元氣虛弱也治之則難不腫
不痛或漫腫腫黯不潰者發於陰也元氣虛
甚理所不治若腫高焮痛者先用仙方活命
飲後用托裏消毒散漫腫微痛者宜托裏散
如不應加姜桂若膿出而反痛氣血虛也八
珍散不作膿不腐潰陽氣虛也四君加歸芪

肉桂不生肌不收斂脾氣虛也十全大補加
姜桂晡熱內熱陰血虛也四物加參朮欲嘔
作嘔胃氣虛也六君加炮姜自汗盜汗五臟
虛也六味丸加五味子食少體倦脾氣虛也
補中益氣加茯苓半夏喘促咳嗽脾肺虛也
前湯加麥門五味欲嘔少食脾胃虛也人參
理中湯腹痛泄瀉脾胃虛寒也附子理中湯
小腹痞足脛腫脾腎虛弱也十全大補加山
茱山藥肉桂泄瀉足冷脾腎虛寒也前藥加
桂附熱渴淋閉腎虛陰火也加減八味丸喘

嗽淋閉肺腎虛火也補中益氣湯加減入味
丸凡此變証皆因元氣虧損失於預補所致
故丹溪先生云但見腫痛叅之脉症虛弱便
與滋補氣血無虧可保終吉旨哉斯言蓋古
今虛實不同因時施治不無少異是集治論
義悉類此

附治驗

上林陳靜涵面患疔脉洪數有力屬邪氣蘊
結余用清熱消毒散二劑未應或用黃耆肉
桂等藥二劑反益其勢致耳目唇口俱腫閉

頭面如斗由邪氣外實也前脉按之無力由
元氣內虛也連進托裡消毒之藥及數砭患
處出黑血碗許已而膿與腐肉併潰而出復
用托裡之藥瘡勢漸愈七日後復因調護失
宜以致煩渴不食兩尺脉如絲欲絕急用八
味丸料煎服其脉頓復手足自溫使非砭以
泄其外托裡散以補其內八味丸以回其陽
則治之失宜必致不救慎之慎之

憲副陳魯山居官勤苦勞傷元氣背患疽漫
腫中央色黯四畔微赤微痛脉浮大按之微